

मार्निंग डोगरी न्यूज बुलेटिन, समें. 09.20 Hrs

<><><><><><>

### Headlines

1. केंद्री खजाना मंत्री निर्मला सीतारमण होर अज्ज लोकसभा च 2026-27 आहले माली बरें लेई केंद्री बजट पेश करडन।
2. जम्मू-कश्मीर विधानसभा दे कल शुरू होआरदे बजट इजलास लेई लोड़चदियां सब्बै तैयारियां करी लैतियां गेदियां न।
3. किश्तवाड़ जिले च आतंकवादिएं कन्नै टाकरे दे बाद तुपाई अभियान दा घेरा होर तंग करी दिता गेआ ऐ।
4. सेहत मंत्री सकीना इतू होरें कल जम्मू मेडिकल कालेज अस्पताल दा चानचक्क दौरा लाइयै उत्थै उपलब्ध सुविधाएं सेवाएं दा जायजा लैता।
5. जम्मू-कश्मीर दिएं उप्परलिएं धारें पर अज्ज हल्की बरखा ते बर्फबारी दे असार, मगरा 10 फरवरी तगर मौसम आमतौरा पर खुश्क बने रौहने दे असार।

-----

<><><><><><>

### Nirmala Budget

खजाना मंत्री निर्मला सीतारमण अज्ज लोकसभा च माली बरें 2026-27 आहला केंद्री बजट पेश करडन। बजट पेश होने दे मगरा एहदी प्रति राज्यसभा दे पटल पर रखी जाहग। नरेंद्र मोदी

सरकार दे त्रीये कार्यकाल दा एह त्रीया बजट होग। बजट तैयार होने शा पैहले वित्त मंत्री होरें माहिरें दे अर्थ शास्त्रियें, बपार संगठनें, शिक्षा ते सेहत खेतर, भलेआं लौहके, लौहके ते दरम्याने उद्यमें, बपार ते पूंजी बजार दे प्रतिनिधियें सने कई हितधारकें कन्नै बचार-बटांधरे आहली बैठकां लाइयां। केंद्री राई-बाई मंत्री शिवराज सिंह चौहान होरें बी राईबाई ते ग्रामीण विकास कन्नै सरबंधत बक्ख-बक्ख पहलुएं दे बारे च बजट शा पैहले व्यापक परामर्श कीता ते सुझाएं दी संकलित रिपोर्ट खजाना मंत्री होरें गी सौंपी।

<><><><><><>

### JK Budget Session Arrangements

जम्मू-कश्मीर विधानसभा दे औंदे बजट इजलास लेई कल थमां शुरू होआ'रदे सब्बै बंदोबस्त करी लैते गेदे न। अधिकारिएं इस गल्लै गी यकीनी बनाने लेई लोड़चदी प्रशासनिक सुरक्षा ते साजो समान सरबन्धी तैयारियां पूरी करी लैतियां न। असेंबली परिसर ते एहदे आले-दोआले सुरक्षा बधाई दिती गेई ऐ ते सेहत, साफ-सफाई ते ट्रांसपोर्ट दे इंतजामें गी बी मुकदा यप देई दिता गेआ ऐ। बजट इजलास च मेद ऐ जे केंद्र शासित प्रदेश लेई सरकार दिएं नीतिएं, विकास योजनाएं ते माली योजनाएं बारै महत्वपूर्ण चर्चा होग। अधिकारिएं गी भरोसा ऐ जे एह इजलास बवस्थित ते सार्थक तरीके कन्नै अगड़ा बदग।

<><><><><><>

### Kishtwar-Op.

किश्तवाड़ जिले च छप्पे दे जैश-ए-मोहम्मद दे त्र'ऊ आतंकवादिएं गी फगड़ने लेई सांझे तौर उप्पर चलाए जा'रदे तलाशी अभियान गी कल होए दे इक टाकरे मगरा तुपाई अभियान दा घेरा

तंग करी दिता गेआ ऐ। साढ़े जिला संवाददाता नै जानकारी दिती ऐ जे एह अभियान बर्फु कन्नै खटोए दे छातरू-डोलगाम-दिछार इलाके च कई दिनें थमां चला'रदा ऐ। डोलगाम इलाके च कल आतंकवादिएं कन्नै सम्पक परतियै कायम होई गेआ जेहदे मगरा टाकरा छिड़ी गेआ। रिपोर्टें मुजब, इक आतंकवादी दे घायल होने दी शँका जाहिर कीती जा'रदी ऐ जिसलै कि अभियान ते घेराबंदी जारी ऐ।

<><><><><><>

## Delegation-LG

कई शिष्टमंडल कल उपराश्ट्रपति मनोज सिन्हा होरें'गी जाइयै मिले ते विकास, जन कल्याण ते सार्वजनिक सुविधाएं सरबंधी कई मुद्दे उन्दे अगगे पुट्टे। साबका एमएलसी ते बीजेपी दे सीनियर लीडर विबोध गुप्ता बी एल.जी हुंदे कन्नै मिले ते बक्ख-बक्ख महत्वपूर्ण विशें पर गल्लबात कीती। उन्दे अलावा जिला विकास काउंसल श्रीनगर दे चेयरमैन आफताब मलिक बी उनेंगी जाइयै मिले। एम.एस नाजकी हुंदे आसेआ लिखी गेदी कताब "The battle of hill kaka" बी एल.जी होरें गी भेंट कीती गई। करनाह दे विधायक जावेद अहमद मिरचाल हुंदी अगुवाई च आए दे इक शिष्टमंडलै अपने विधानसभा हल्के दे विकास सरबंधी कई मुद्दे उजागर कीता।

<><><><><><>

## Bal Sansad Poonch

पुंछ जिले च नियंत्रण रेखा दे नेड़े स्थित भारत दे खीरले स्कूलें चा इक दे तोरा पर आखे जाने आहले पी.एम श्री हाई स्कूल, दिगवार मलदयाना दे विद्यार्थिएं गी बाल संसद कार्यक्रम दुरान

इक सांसद होने दा तजुर्बा हासल करनेदा इक अनोखा मौका थहोआ। इस पैहलकदमी कन्नै विद्यार्थिं गी लोकतांत्रिक प्रक्रिया बारे जानकारी दिती गई जेदे च प्रतिभागिं प्रधानमंत्री, सदन दे नेता, विपक्ष दे नेता ते संसद सदस्यें ज्नेहियां भूमिकां निभाइयां। नेतृत्व, आत्मविश्वास ते जिम्मेदार नागरिकता विकसित करने दे उद्देश्य कन्नै इस कार्यक्रम नै कक्षा दे बाहरें बवहारिक शिक्षा प्रदान कीती। शिक्षकें इस पैहलकदमी दी सराहना करदे होई युवा विद्यार्थिं च नागरिक जागरूकता ते लोकतांत्रिक मुल्लें गी बढ़ावा देने च एहदे महत्वें पर जोर दिंदे होई आखेआ .

तोआई, इक विद्यार्थी नै इस बारे अपने बचार सांझे करदे होई आखेआ .

<><><><><><>

### Itoo Surprise Visit

सेहत ते मेडिकल शिक्षा मंत्री सकीना इतू होरें कल जम्मू मेडिकल कालेज दा चानचकक दौरा लाया ते उत्थै मरीजें लेई उपलब्ध सेवाएं सुविधाएं बारे तफसीली जानकारी हासल कीती। उनें मेडिकल कालेज ते अस्पताल दे होरनें बक्ख-बक्ख हिस्सें ते अस्पताल दे होरनें बक्ख-बक्ख हिस्सें ते सेवाएं बारे बी तफसील च समीक्षा कीती जिंदे च इमरजेंसी सेवा, दाखल मरीजें लेई वार्ड च बवस्था, दोआइएं ते उपकरणें-मशीनें दी दस्तयाबी, साफ-सफाई ते डॉक्टरें ते होर दुए अमले दी हाजरी वगैरा शामिल ऐ। इस दरान सकीना इतू होरें किश मरीजें ते उन्दे तीमारदारें कन्नै बी गल्लबात कीत ते उन्दे शा अस्पतालै च उपलब्ध सुविधाएं दे बारे च बी जाकनारी हासल कीती।

<><><><><><>

उप मुख्यमंत्री सुरिंद्र चौधरी होरें कल एनएच-144 ए थमां नौशहरा टाउन तगर शिड़क पर चला'रदे निर्माण ते दर्जा बधाने दे कम्मै दा निरीक्षण कीता जेदे कन्नै लोकें गी म्यारी ते समेंसिर तरक्की ते बेहतर संपर्क यकीनी बनी सकै। उन्नै मेन रोड कोटेकाबू ब्रेहवी थमां जियारत ब्रेहवी बाजीदरबार कालाकोट राजौरी तगर शिड़क दा दर्जा बधाने दे कम्मै दा नीह पत्थर बी रखेआ जेदा मकसद संपर्क ते लोकें दी सहूलत गी बधाना ऐ। इस मौके पर बोलदे होई उपमुख्यमंत्री होरें आखेआ जे सरकार दूर-दरेडे ते ग्रामीण इलाकें च शिड़क ढांचे गी मजबूत करने ते संपर्क च सुधार लेई बचनबद्ध ऐ।

<><><><><><>

### Chaupal Ramban

दस्तकारी सुविधा केंद्र उधमपुर आसेआ जिला प्रशासन दे सहयोग कन्नै रामबन च कारीगिरें लेई इक चोकड़ी दा सरिस्ता कीता गेआ। चोपाल नां कन्नै आयोजित इस कार्यक्रम दा मकसद दस्तकारी ते उद्यमता गी बढ़ावा देने लेई नौजोआनें गी कन्नै जोड़ना हा। बड़ी बद्ध गिनतरी च मकामी कारीगिर, दस्तकार महिलां ते नौजवान बी एहदे च शामिल होए। इस मौके पर किट्ठ गी संबोधित करदे होई जिला विकास कमिशनर होरें पारम्परिक दस्तकारी कला दे संरक्षण लेई आधुनिक तकनीकें ते ढंग-सरिस्ते गी अपनाने दे कन्नोकन्नी बजारें तोड़ी पुज्ज यकीनी बनाने पर बी जोर दिता।

<><><><><><>

संत रविदास हुं'दी जयंती अज्ज पूरे देशे च मनाई जा'रदी ऐ। ओह 14मीं सदी दे संत ते उत्तर भारत च भक्ति आंदोलन दे संस्थापक हे। एह ध्याड़ा हिंदू कलेंउर दे मताबक माघ महीने दी पूर्णमाशी दे दिन मनाया जंदा ऐ। इस मौके पर श्रद्धालु वाराणसी च गुरु रविदास जन्म स्थान गोवर्धनपुर च किट्ठे होंदे न ते उंदी जयंती मनांदे न। राष्ट्रपति द्रौपदी मुर्मू, प्रधानमंत्री नरेंद्र मोदी ते जम्मू-कश्मीर दे उपराज्यपाल मनोज सिन्हा समेत मुख्यमंत्री उमर अब्दुल्ला होरें गुरु रविदास हुं'दी जयंती पर लोकें गी शुभकामनां दितियां न। अपने स्नेह च उंनैं आखेआ ऐ जे गुरु रविदास होर इक सममानत संत ते समाज सुधारक हे।

<><><><><><>

### Weather-Update

जम्मू-कश्मीर च मौसम ज्यादातर खुशक रौहने दी मेद ऐ ते 10 फरवरी तगर बरखा जां बर्फबारी दी कोई पेशगोई नेई ऐ। उआं केंद्र शासित प्रदेश दे मते सारे इलाकें च अज्ज हौली शा दरम्याने दर्जे दी बरखा ते बर्फबारी दी मेद ऐं कई खेतरें च 2 फरवरी दी रातीं ते 3 फरवरी दी दपैही दरान हौली बरखा जां बर्फबारी बी होई सकदी ऐ ते जम्मू-कश्मीर च 4 शा 6 फरवरी तगर मौसम दे हालात खुशक बने दे रौहडन।

<><><><><><>